

Area / Unidade DIRECCION DE ECONOMÍA, HACIENDA Y RÉGIMEN DE INTERIOR AD0000 MBLG	Documento AD014I002W	Anotada en el Libro de Resoluciones de la Alcaldía con el núm: DEC/AYT/2254/2020 24/04/2020
Código de verificación 	Expediente AD0/2020/17	
3L72 1W42 4T1Z 302L 0KNQ	Data 23-04-2020	

Asunto

RESOLUCIÓN APROBACIÓN PLAN CONTRATACIÓN 2020

De acordo coas previsións remitidas polas distintas Direccións de Área e Servizos Municipais e segundo o informe proposta que figura no expediente asinado pola técnica de Apoio á Dirección de Economía, Facenda e Réxime Interior co conforme do director de Área, relativo á obriga que sinala o artigo 28.4 da Lei 9/2017, de 8 de novembro, de Contratos do Sector Público, de aprobar e dar a coñecer o Plan de Contratación do Concello da Coruña, adóptase a seguinte

RESOLUCIÓN

1. INTRODUCCIÓN E CONTEXTO ECONÓMICO ACTUAL

O artigo 28.4 da Lei 9/2017, de 8 de novembro, de Contratos do Sector Público, pola que se transpoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014 (BOE 9.11.2017) –en adiante LCSP- obriga a programar *“a actividade contractual que as entidades do sector público desenvolverán no exercicio orzamentario ou en períodos plurianuais”*.

Así mesmo, *deberán dar a coñecer o seu plan de contratación anticipadamente, pero potestativamente, mediante un anuncio de información previa (artigo 134) no Diario Oficial da Unión Europea e no perfil do contratante, para os contratos suxeitos a regulación harmonizada, sendo potestativo para os restantes.*

No mesmo sentido, a Instrución de Contratación 2/2019 (Acordo da Xunta de Goberno Local do 6.11.2019) obriga no seu apartado g) a *“programar a actividade contractual de forma que se apliquen técnicas de agregación na provisión externa de bens e servizos ao concello, se diminúan os custes de funcionamento, se aplique efectivamente a contratación pública estratéxica e se consiga unha maior eficacia na calidade da actividade contractual”*.

De acordo con estos mandatos elaborouse o I Plan de Contratación deste Concello e que figura no Anexo que se achega (CPV: 6Y20345E2V4X2903046N)

O Plan recolle as previsións contractuais remitidas polos distintos servizos municipais, de acordo coa información solicitada polo concelleiro de Economía, Facenda e Réxime Interior o pasado mes de marzo.

Cómpre lembrar que a Instrución 2/2019 ordena no seu punto 9 relativo a “programación e iniciación de procedementos contractuais para evitar prestacións sen contrato:

a) *Os centros xestores, xefaturas de servizo, responsables de contratación deberán incoar a tramitación de prestacións contractuais, con contrato vixente pero próximo a finalizar cunha antelación mínima de dez meses, agás aqueles contratos de especial complexidade técnica, en que o devandito prazo ampliase a quince meses.*

b) O servizo de Contratación deberá publicar o anuncio de licitación no diario ou plataforma en que proceda, cunha antelación mínima de catro meses á data prevista de finalización do contrato vixente.

O cumprimento destes prazos permitirá invocar a aplicación do art. 29.4 LCSP se xorden incidencias na licitación/adxudicación imprevisibles ao órgano de contratación. O prazo de dez meses poderá reducirse á metade naquelas contratacións susceptibles de tramitación por procedemento abreviado simplificado; neste procedemento o anuncio de licitación deberá publicarse con tres meses de antelación ao vencemento de contrato vixente, no caso de existir.

Así, e atendendo ao mandato que se deriva tanto da LCSP como da Instrucción municipal, o Plan adquire o seu maior significado en canto a oportunidade que supón para dar a coñecer aos operadores económicos cales son as necesidades institucionais que pretenden cubrirse mediante os contratos proxectados de modo que, coa debida anticipación, poidan estudar e, no seu caso, preparar as correspondientes ofertas.

Ademáis dos obxectivos xerais que se acadan con esta ferramenta, esto é, os de publicidade, transparencia, profesionalización e planificación da actividade contractual para conseguir a eficacia e a eficiencia tanto dos recursos materiais e persoais como do gasto, cómpre mencionar o contexto no que se aproba este Plan.

Así, o contexto actual de crise sanitaria ocasionada polo **Covid19** no que nos atopamos desde o pasado 14 de marzo, e que motivou a declaración do estado de alarma polo Real Decreto 463/2020, de 14 de marzo (BOE 14.03.2020), fai que o Plan de Contratación se convirta nunha ferramenta das moitas que, sen dúbida, deberán artellarse para conseguir minimizar ou aliviar o escenario económico previsible. Se nun escenario de máis estabilidade a contratación pública alcanza valores económicos cercanos ao 20% do PIB anual, no escenario actual a contratación pública será fundamental nos plans e medidas que tódalas administracións arbitren no futuro máis inmediato como instrumento clave para a reactivación económica e a xeración de emprego.

Non obstante, tendo en conta que o Plan é un documento programático e de mera previsión en tanto que recolle datos de carácter estimativo e non vinculantes, e dado o contexto económico actual derivado da crise sanitaria, é probable que algunhas destas estimacións se vexan reforzadas ou moduladas, a fin de adaptarse á coxuntura, adoptándose medidas de orde económico, social e laboral para loitar contra as consecuencias do Covid-19.

2.- CONTIDO DO PLAN E PRINCIPAIS DATOS AGREGADOS

As previsións do Plan de Contratación do Concello da Coruña para o ano 2020 recollen un total de **363** contratos cun valor total de **534.408.205,85 €**.

O valor de cada contrato inclúe o importe ao longo de toda a duración do contrato, xunto coas súas posibles prórrogas e modificacións orzamentarias e o IVE.

Non inclúe contratos menores; nin concesións de dominio público; nin os sistemas de autoprovisión con medios propios; nin tampouco a previsión da actividade contractual das entidades públicas instrumentais do Concello.

Tampoco inclúe aquelas contratacións para este ano 2020 que xa están publicadas no perfil do contratante do Concello e, polo tanto, xa son coñecidas, se ben na actualidade atopanse nunha situación de suspensión ata a finalización do estado de suspensión de prazos administrativos establecida polo RD 463/2020 e que reanudaránse tan pronto se ditamine lexislativamente ou ben se decida, ao abeiro da normativa relativa ao estado de alarma, motivadamente para cada procedemento.

Sen prexuízo de remarcar o carácter estimativo do Plan, en canto que poderán licitarse contratacións non incluídas no plan e que se consideren necesarias para o cumprimento das

atribucións competenciais do Concello ou non licitarse algunhas das xa incluídas, as principais magnitudes agregadas que resultan son as seguintes:

	Nº Contratos	VALOR (IVE incluído)
ALCALDÍA	6	276.959,48
Alcaldía	6	276.959,48
CONCELLERÍA DE DEPORTES	44	16.193.118,80
Deportes	44	16.193.118,80
CONCELLERÍA DE EDUCACIÓN, CULTURA E MEMORIA HISTÓRICA	57	19.755.654,53
Bibliotecas	10	8.404.087,09
Cultura	29	3.543.791,73
Educación	6	1.348.518,43
Museos Científicos	12	6.459.257,28
DIRECCIÓN DE IGUALDADE, SERVIZOS SOCIAIS E PARTICIPACIÓN	34	38.318.671,30
Igualdade	5	743.200,00
Participación	11	1.148.979,01
Servizos Sociais	18	36.426.492,29
DIRECCIÓN DE INNOVACIÓN, EMPREGO, TURISMO E COMERCIO	29	9.618.044,75
Emprego e Empresa	29	9.618.044,75
DIRECCIÓN DE MEDIO AMBIENTE E SUSTENTABILIDADE	17	303.488.185,43
Medio Ambiente	17	303.488.185,43
DIRECCIÓN DE SEGURIDADE CIDADÁ	37	5.255.311,93
Bombeiros	17	2.078.668,16
Policia Local	13	2.167.194,75
Protección Civil	7	1.009.449,02
ECONOMÍA, FACENDA E RÉXIME INTERIOR	37	11.898.834,77
Contratación	1	1.074.416,30
Facenda	4	1.755.666,40
Informatica	13	2.811.460,89
Innovación	5	1.460.000,00
Interior	11	2.315.172,75
Persoal	2	82.118,43
Apoio á Dirección	1	2.400.000,00
INFRAESTRUTURAS E MOBILIDADE	78	122.714.776,78
Edificación	2	3.861.100,83
Infraestructuras	52	97.078.577,46
Mobilidade	24	21.775.098,49
URBANISMO	24	6.888.648,08
Rehabilitación e Vivenda	13	5.137.786,05
Urbanismo	11	1.750.862,03
Total general	363	534.408.205,85

TIPO	Nº Contratos	VALOR (IVE incluido)
Concesión de Servicios	5	299.510.319,07
Concurso de Ideas	1	250.000,00
Mixto (Obra/ Servicio)	1	3.923.615,19
Mixto (Subministración/Servizo)	4	483.892,31
Obras	83	32.113.879,41
Privado	6	1.199.000,00
Servizos	214	186.642.172,25
Subministracións	49	10.285.327,62
Total general	363	534.408.205,85

POR PROCEDIMENTOS DE CONTRATACIÓN	Nº Contratos	VALOR (IVE incluido)
ABERTO	160	508.552.446,96
ABREVIADO	55	1.526.960,11
CONCURSODEPROXECTO	1	250.000,00
NEGOCIADOSENPUBLICIDADE	12	819.106,28
SIMPLIFICADO	135	23.259.692,50
Total	363	534.408.205,85

POR HARMONIZADOS	Nº Contratos	VALOR (IVE incluido)
Concesión de Servicios	1	299.486.319,07
Servizos	55	172.429.622,27
Subministracións	9	6.751.126,30
Total	65	478.667.067,64

3.- OBXECTIVOS ESPECÍFICOS INTERNOS

Ademais dos obxectivos xerais sinalados, este instrumento de planificación permite no conxunto da organización:

***Evitar:**

tramitacións anticipadas pola premura de prazos; reparos de legalidade por inadecuada planificación e prestacións sen contrato; a recurrencia sistemática á contratación menor propia de necesidades puntuais e urxentes que non puideron ser previstas e planificadas, e non é axeitada para prestacións de tracto sucesivo e repetitivas; a acumulación de expedientes no Servizo de Contratación; os fraccionamentos e os chamados “contratos ponte”, na medida do posible.

***Facilitar:**

a redución de prazos para a presentación de ofertas nos contratos suxeitos a regulación harmonizada coa publicación dos respectivos anuncios de información previa segundo o artigo 156 da LCSP, que poderían reducirse a 15 días; o seguimento da execución

orxamentaria; as técnicas de agregación para contratacións esencialmente idénticas en canto a prestacións, especialmente naquelas susceptibles de división en lotes; a análise das posibilidades de reservas contractuais e as técnicas de autoprovisión; a fixación previa de criterios técnicos comúns e a implementación da necesaria disciplina planificadora nas distintas unidades de xestión.

Así, e de acordo coas competencias delegadas pola señora alcaldesa no Decreto 3846/2019 (BOP 03.07.2019), apartados 1º, 2º e 5ª das delegacións xenéricas, e coa fin de dar cumprimento ao disposto no artigo 28.4 da LCSP relativo á obriga de aprobar e dar a coñecer o Plan De Contratación do Concello da Coruña,

RESOLVO

PRIMEIRO: Aprobar o Plan de Contratación 2020 do Concello de A Coruña que se xunta á esta Resolución.

SEGUNDO: Publicar o Plan de Contratación no perfil do contratante do Concello sito na Plataforma de Contratación do Estado e no Portal de Transparencia da web municipal. Así mesmo, dar conta do mesmo aos membros do Goberno municipal e ás Direccións de Área e Xefaturas de Servizo para a difusión no conxunto da organización.

TERCEIRO: Encomendar á Dirección de Economía, Facenda e Réxime Interior o envío ao Diario Oficial da Unión Europea dos anuncios de información previa a que se refire o artigo 134 da Lei 9/2017, de 8 de novembro, de Contratos do Sector Público, en relación aos contratos harmonizados e daqueles outros que se consideren, previa conformidade emitida polo concelleiro delegado de Economía, Facenda e Réxime Interior.

Así mesmo, encomendarlle a esta Dirección o desenvolvemento operativo do Plan, a súa implementación e seguimento, propoñendo a realización das agregacións á demanda e reservas contractuais oportunas para garantir tanto a eficiencia dos recursos públicos como a dimensión social e estratéxica da contratación pública, baixo a dirección do concelleiro de Economía, Facenda e Réxime Interior

CUARTO: Publicado o Plan de Contratación, para que o Servizo de Contratación poida atender propostas de prolongación de servizos de tracto sucesivo que finalizasen a súa vixencia, incluídas as súas prórrogas, sen un novo contrato que as suceda, será necesario informe motivado que deberá estar asinado pola persoa titular da Dirección de Área, ou Servizo no seu caso, e pola concelleira ou concelleiro respectivo. Nese informe se sinalarán as causas polas que, maila planificación previa non se puido contratar, sen solución de continuidade o novo contrato. Exceptuáanse os supostos derivados de acontecementos imprevisíbeis que sinala o último parágrafo do artigo 29.4 da LCSP ou daqueles cun custo relevante de man de obra.

QUINTO: Dar conta desta Resolución á Xunta de Goberno Local na sesión inmediata que se celebre.

A Coruña, na data de sinatura electrónica deste documento electrónico

O concelleiro de Economía, Facenda e Réxime Interior

(P.D. Alcaldía, Decreto 3846/2019. BOP 03.07.2019)

Asdo.

José Manuel Lage Tuñas